

# حیات

حیات دایما حیات... دنیا راها هر چه حیات قاتلم!...  
- نجه -

اداره مرکزی :

آنقره ده ، استانبول جاده سنده آنقره  
معارف امینلیک یانده کی دائرة

استانبول بورسی :

استانبولده ، باب عالی جاده سنده و سلی پرشیه  
اداره خانمسی داخنده کی دائرة  
تلفون : ۳۶۰۷

نسخه سی هر برده ۱۰ غرورده .

سنه لکی پوسته ایله ه لیرا .  
( اجنی ملکتر ایچین ه دولار ) .

ابونه و اعلان ایشلری ایچین استانبول بوروسه  
مهاجرت ایدیلیر .  
یازی ایشلرینک مرجعی آنقره مرکزدر .

صافی : ۱۰

آنقره ، ۳ شباط ، ۱۹۲۷

۱ نجی جلد

## مصاحبه

### انقلابه قارشى وظیفه لر من



شو صوک هفته لرده ، صنعتک و ادبیاتک ملی  
انقلابمه قارشى بورجلی اولدینی خدمت لردن ،  
تعقیب ایتمه سی لازم کلن استقامتدن اوزون اوزون  
بحث ایدیلدی . بوتون منور زمره نك انقلابه  
قارشى ایفاسیله مکلف اولدینی بر جوق وظیفه لر  
وارکن ، منحصر آ صنعتکارلر مزی تحطه ایتمک ،  
اعتراف ایتمه لی که برحق سز لقدر . هانی یکی حیاتک  
اساسلرینی تثبیت ایدن متفکرلر من ؟ زمره ده  
انقلابک عامللرینی تحلیل و تشریح ایدن مورخلر من ؟  
اقتصادی انکشاف ایچون مقتصدلر من و مالیه -  
جیلر من عیجا نه دوشونیورلر ؟ پایلان انقلابلر  
قارشیسنده حقو قیلر منک دوشونجه لری نه در ؟  
ایشته بر یغین سؤاللرکه ، جوابلری آنجا ق  
منفی بر ماهیته در ؛ و بو صریح وضعیت قارشیسنده ،  
بو کونک منورلرینه دوشون وظیفه لرک ایفا ایدیلدیکنی  
اصلا ادما ایدمه یز . بو سطرلر بر مؤاخذه ،  
بر تنقید دکل ، بر حسب حال حتی بر اعتراف  
ماهیته ده اولدینی ایچون ، بو حقیقی بوتون آجیلغیه  
سویله مک قابلدلر .

هر اداره شکلک کندی ماهیته کوره  
استناد کا هلی واردر : مستبد و مطلقیتیجی اداره لر  
قرون وسطائی اساسلره ، حکمدارک مقدس

جمعیتلرکی بو کونکی تورک جمعیتی ده خلق کتله سنک  
منافعنی اعظمی موفقیتله تأمین ایچون باشلیجه  
« علم » و « اختصاص » استناد ایدم جکدر .  
یکی حیاتک قور و لمقدمه اولدینی شو صیرالرده ،  
تورک منورلرینه ، علم و اختصاص آداملرینه  
دوشون وظیفه لرک نه قدر بو یوک ، نه قدر مسئولیتلی ،  
لکن عینی زمانده نه قدر شرفلی اولدینی قولایجه  
آ کلاشیلیور . اکر منور زمره ، کندیسنه  
ترتیب ایدن وظیفه لری موفقیتله یا پمغه عزم ایتمزسه  
و بو اوغورده اعظمی فدا کارلقله ، فراغتله  
چالیشمازسه ، ایستراسته من ، خلق کتله سنک  
حرمت و اعتمادینی غیب ایتمک محکومدر . قرون  
وسطائی جمعیتلرده « علم و صنعت » سرائلر ایچون  
بر نوع زینتدن ، حکمدارلرک و امتیازلی صنفلرک  
غرور و نخوتلرینی او قشامقله مکلف « طفیلی »  
انسانلرک او یونجا قلدن عبارت کیدی ؛ مثلاً  
عثمانلی ایمپراطورلغنک « مدرسه طالمیری » سلطانلرک  
کیف و آرزوسنه کوره هر کون باشقا باشقا  
فتوالر ویرمکدن اوتانمازلردی .

« حر فکر » ک ، « سربست مناقشه » نک  
ممنوع اولدینی ، « دینی احکام » ک بوتون « دنیوی  
ایشلر » اوزرنده تسلط ایتدیکی دورلر ایچون  
بو بر ضرورتدی . حالبوکه ، ملی جمهوریت اداره سنده  
عالملر و متخصصلر ایچون اک کنیش و فیضلی  
بر فعالیت ساحه سی آچیلمشدر ؛ اونلر ، کندی  
اختصاصلرینه تعلق ایدن بوتون ملی مسئله لر  
اوزرنده دوشونمک و چالیشمقله ، افکار عمومی بی  
تنویر ایتتمک مکلفدرلر . هر تورلو غرض و عوضدن

حقوقه ، و منفعتی حکمدار ایله مشترک اولان  
روحانی صنفک و سرای آداملرینک اقتصادی  
منفعتلرینه دایانیر . عثمانلی ایمپراطورلنی بوکا بر  
مثالدی : « سلطان » و بندکانی ایله « مدرسه »  
و « تکیه » ، خلقی استثمار ایچون الاله چالیشیورلر ،  
« حر فکر » و « سربست مناقشه » یه میدان  
براقایه رق خلق کتله سنک « جهالت » ینه دایا -  
نیورلردی . « ملی مفکوره » یه ، « ملی حرث » و ،  
خلاصه بوتون عصری مفهوملره دشمن اولان  
بوسرای اداره سنک شئامتنی عصرلرجه چکدک !  
بو اداره سیسته منه تماماً معکوس بر ماهیته ده  
اولان « ملی جمهوریت » اداره سنه کلنجه ،  
بوسیستم تمامیه « علم » استناد ایدر : تورک  
ملتک عمومی اراده سنی تمثیل ایتدیکی جهته ،  
امتیازلی صنفلرک دکل بوتون خلق کتله سنک  
مشترک منافعه چالیشیر . « ملی شعور » ک  
و « ملی حرث » ک انکشافی ، قرون وسطائی  
مفهوملر و مؤسسه لر یزینه تمامیه « عصری »  
مفهوملر و مؤسسه لر اقامه سی ، « حر فکر » و  
« سربست مناقشه » یه اعظمی میدان بر اقیلمه سی ،  
بوسیستم مک اک بارز سجه لریدر . ایمپراطورلر  
اداره سنک استناد ایتدیکی « منورلر » ، یا مدرسه دن  
یتیشن عرب - عجم حرثیه مشبوع صوفتالر ،  
یا خود ، تورک حرثیه بیکانه زوپیه لردن عبارتدی ؛  
حالبوکه ملی جمهوریت اداره سنک « منورلری » ،  
خلق ایچندن چیقان ، « ملی حرث » ایله « ملی  
مفکوره » ایله مجهز و حقیقی معناسیله « عصری »  
و « آوروبائی » انسانلر اولمالیدر . بوتون عصری



## تيا ترومرك بوكونى حالى

۱

### پارا و بار بزم سئدى

— تيا ترومرك ايچون چوق قناشيلر ايشيتيورم.  
— دوغرو در. كوندن كونه كرى كيديور. سكرز  
اون سنه اول مملكت مزده شوبله بويله بر تيا ترو حياتى  
باشلامشدى. دارالبدايه ائسندى بر ترومرك، بر قاچ  
مستعد، قابىلى آرتيستر واردي.

ايلك زمانلرده بو مؤسسه چوق حسن نيتله  
چوق ذوق و مراق ايله چاليشيلوردى. اورتابه  
ضرر سز بعض اثرلر چيقيوردى. تمثيل طرزى  
آراسيرا استانبوله كلن ايكنجى اوجونجى درجه ده  
اجنبى ترومركلر كندن آشاغى دكلدى. حتى بعضاً  
اونلر تفوق ايدىوردى. خلقمز، بالخاصه متورلر  
تيا ترويه رغبت كوسترمكه باشلايوردى. حاصل  
بو بزم ايچون چوق ائمىدى بر باشلانغىچدى.  
طوئولان يول حقيقى صنعتك بوليدى.

محرر و آرتيسترلر سنه دن سنه يه كرك عدد،  
كرك صنعت و مهارت اعتباريله ده ازياده قوتله نملر  
بكله نيوردى. او وقت تيا تروى سونلر ك يالكر  
بر اندیشه سى واردي. قادين، صحنه ده تورك قادينى.  
تورك قادينى صحنه يه چيقمادق حقيقى تيا ترو،  
صنعت تيا ترو سى باشلا يامازدى. تيا ترو ديمك هر شيدن  
اول سان ديمكى. اونك بو بوك اجتماعى وظيفه لرندن  
برى بر ملتك لسانى اك تميز و تصفيه ايدلش شكلنده  
خلقه ديكله نيمكى. رسام ناصل طبعى و چهره لرى  
اولد قلرندن ده اكوزل، مؤثر و معنيدار بر حاله  
صوقوبورسه تيا تروجى ده لسانى اوليله ايدى آل بر شكله  
صوقاچدى. بو نيه قدر مستعد و صنعتكار اولورلر  
اولسونلر اجنبى قادينلرندن بكله يه مزدك. فرض محال  
اوله رق تلفظلرني قصور سز بر حاله كترسه ك  
intonation لرني اصلاح ايدى مزدك. كله لر روسى  
حالتلر يى افاده ايتمكدن عاجز قابا، صابا قابلردر.  
دويفولر يى روجمك بوتون حركتلرني جله لر يىزدن  
زياده intonation مزله، سسك جله لرى سويلر كن  
آلدني كيزلى آهنگلرله افاده ايدرز. بو آهنگلر  
هر ملت ايچون باشقه در. مكر ك مستثنا بر صنعت  
دهاسى قارشينده بولونالم. حالبوكه برايش ياقمه  
حاضر لانان انسان پلاتنى ياپار كن تصادف و طالع  
هيچ بر رول بر اقاماق مجبور يئنده در. اوت تورك  
قادينى صحنه يه چيقمادني مدتجه تيا ترو مزدن بك فضل  
برشى بكله يه مزدك. او وقتلر ايسه اك كوچوك بر ائمىد  
بيله يوقدى. مملكتمز بر ملتك مملكتى دكل بر خليفه  
آمتك مملكتيدى.

بر قاچ سنه صوكرامشخت كابوسنك باشمزدن  
كیده جكنى، خليفه نك مملكتدن چيچاقچنى، مدرسه لرك  
قالدير يلاجنى، حاصلى لايىق بر آروپا دولتى شكله  
كله جكمزى كيم اومايلىردى ؟

او وقتلر ائمىد سزلك غريب اولدني قئدرده كولونج  
چاره لر الهام ايدىوردى. مثلاً دارالبدايه سبروزلى  
چنكاته قيزلر آلوب يئشديرمك... بو فكر او وقت  
آيلرجه دوشونولش، حتى غزته صحيفه لرنده اوزون  
اوزادى به مناقشه ايدلشدى...

مع مافيه دارالبدايه او وقت يارى كيزلى اوله رق  
مؤسسه يه سكرز اون مسلمان خانى آلتى و براحتياط  
اوله رق يئشديرمك ائسته مشدى. مؤسسه نك مركزى  
او وقت بك اوغلنده جمال باشى جاده سنده يدى.  
برووالر انساننده يابانجى بر كيسه نك دارالبدايه  
كبرديكى خبر آيلنجه بو خاغلر بلكه برمفتش يا خود  
خفيه در ديه جيل ياوروسى كى اطرافه داغيلرلردى.  
صوكرام بر كون ده اكو بوك بر حله ياپلدى. عقيفه  
خاتم اسنده بر كنج قيز قاضى كوى صحنه سنده ايلك  
دفعه صحنه يه چيئاريلدى. دارالبدايه اعضا سندن  
بر قيسى او وقت بوكا مخافدى. «بو ياپيلان شى  
دليلكدر. حكومتك مؤسسه يى بوس بوتون داغتمه سى  
تهلكه سى وار» دييورلردى.

وقوعات اوله اونلر حق و يردي. عقيفه خانى  
بر كيسه صحنه ده بر قاچ هيئت اداره اعضا سيله توقفه  
كلديلر. صوكرام مشيختدن امانته، امانتدن دارالبدايه  
برتبليغ شرفوارد اولدى: «خانك قطعياً مؤسسه دن  
اخراجى. عكس حاله ...»

دارالبدايه چوق فقير اولماسنه رغماً بو خانى  
اورتاده برافق ائسته مدي، بر زمان صحنه يه چيقمه مق،  
مؤسسه يه كله مك اوزره قادروده كى تخصيصاتى ابقا  
ايندى. فقط بوده دو بولدى. نهايت ايكنجى  
بر تهديد...

كورولوبوركه تيا ترو مزده او وقت بر جانليق،  
بر حركت واردي.

— اوت اوت... بنده خاطر لايورم...  
عمومى حرب زماننده چوق آنى چاليشيلوردى...  
حتى متاركه نك ايلك سنه سنده بيله ايجه فعاليت  
واردى... فقط صوكرام بر ديدى قوديدر ميدان  
آلفه باشلادى... هر كون غزته لرده باشقه بر حوادث  
اوقونوبوردى: هيئت اداره اعضا لرندن فلان ذات  
ايله فلان آرقداشى يا خود فلان فلان آرتيستر آراسنده  
اختلاف چيقمش... آرتيسترلر فلان خانلر و بلكر  
آريله رق يى بر تيا ترو تشكيل ايتشلر. «بر ايكي  
آى صوكرام: «يكي تيا ترو بوزولش... آرتيسترلر  
دارالبدايه دونمشلر فقط بو سفر اوتنه كى قسم غره و  
ياشمش...» هيئت اداره داغيلش باشقه بر هيئت  
كلش... اوده اوله مش... بو سفر آرتيستر هيئت  
اداره يه كيرمشلر... بوكا رغماً يئنه تروپ ايكي يه  
اوجه آيرلش... «وقعه لرى منتظم بر صورتده  
تعقيب ايتمه مكله برابر غزته ستونلرنده آراسيرا كوزيمه  
ايليش بويدي قوديلردن آرتق بيقدق... بو بيتوب  
توكمنز اختلافلر و غاوغالرك بوكونكى پريشانلى توليد  
ايتمه سى غايت طبعيدى دكل؟ آه شو آرتيستر...  
چو چوق كى انسانلر... متادياً صحنه ده شخصيت  
دكيشديرمكه آليشدقلى ايچونميدر، نه در، ساعتلى  
ساعتلر يئنه اومايور... بر درلو بر برلرله كينه م يورلر.

....

— دوغرو دكلنى؟ سن ده نم فكر مده دكليسك؟  
— شو «بر برلرله» قيدينى قالدبر و بده ساده جه  
«كينه م يور» لر ديرسه ك تماميله سكا حق و يريرم.  
دارالبدايه سنه لر دن برى بالطلايان، نهايت بو حاله  
كترن كچمسز لسكرلر بكانه سبى پاراسزلق، آرتيسترلر  
كينه جك قدر بر پارا تأمين ايديله م سيدر... سكا  
خسته افك تاريخنى ايكي كله ده خلاصه ايدم: شهراماتى  
اسكيدن دارالبدايه اوچ بيك آلتون تخصيصات  
و يريردى. حيات اوجوزدى. آرتيستر آلدقلى  
معاشله و تمثيللر ك حاصلاتيله اولدقجه راحت ياشارلردى.  
پارا يدى سكرز مثلى دوشدى، حيات يدى سكرز  
مثلى بهاليلاشدى. متاركه نك فقر و ضرورت سنه لرنده  
تمثيل حاصلاتى ده يارى يارى يئنه ايندى. حالبوكه  
امانتك و يرديكى پارا حالا اوچ بيك كاغددى. اوده  
طاشدن قايدن قوبار كى. جمعيت عموميه بلديه ده  
هر سنه بواهيئسز پارا ايچون غاوغا قوبار، ضياعلا  
بك، حاجى مسعود افندى كى ذوات آلاييله يكنه  
باغروب چاغيرلردى.

هيئت اداره آرتيسترلر ديدى كه: «خانلر،  
افنديلر، بزرگه آرتق پارا و يرمه جكز. چاليشوب  
قازانيرسه كز بر سكرز. عكسى حاله فها. مع هذا  
بز يئنه أسكى پروغرام داخنده چاليشه جفز. سز  
آياغكزه كيه جك بوطين بولقده كوچلك چكر كن  
بز يئنه يكي و مكمل ده قور ياپدير اجفز. چونكه  
بوراسى رسى بر صنعت مؤسسه سيدر... يئنه  
كافى السابق اثرلر قيمت تجار يه سندن زياده قيمت  
بديعه سنه اهميت و يره جكز. يعنى پارا كتره جك  
اثرلر اويناسنه مانع اولاجفز. چونكه بزر صنعت  
يايورز. قازانديفكرك بر قسمى بكا بر اقاچسكز.  
بنده اونى صحنه اوزرنده بوكونلك بر عملى قيمتى  
اولايان فقط ايلرده وجودلرندن بر خدمت مأمول  
ايديلن بعض كنج استعدادلر و يره جكم... چونكه  
مقصد يىز صنعت و مملكته خدمتدر»

— بويله شى سويله نيرى جام ؟  
— هيئت اداره بونى بويله چيك كله لرله  
سويله مده دى. طبيعى بر چوق دولاماجلى بوللردن  
يورودى، بلاغت چيچكلرله سوسله دى.


— آرتيسترلر نه جواب و يردي ؟  
— آرتيسترلر طبعى يئنه نازك كسوه لى جوابلر  
و يرديلر. فقط اونلر ك سويلديكى شيك خلاصه سى ده  
شودر: «هايدى افندم ايشيكه... هم آچ قالاچم،  
هم سكا كوله لك مى ايدى جكم؟» ايشته بونك اوزرينه  
حالا آردى آرقاسى كله ين او قياتلر قويدى...  
— ديمك شهراماتى تيا ترويه جدى بر يارديمده  
بولونامادى ؟

— سنه ده اوچ بش بيك كاغد ليرا ايله  
تيا ترو ياپيلماسنى ايتامك كولونج شيدر. امانت  
كوزل بر تيا ترونك مدنى بر شهر ايچون اك بو بوك  
بر سوس اولاجفنى هيچ بر زمان جدى بر صورتده  
دوشونه مده دى. مثلاً شجمدى يه قدر كوچوك بر  
فدا كارقله دارالبدايه باشنى صوقه جنى بر كوچوك  
بنا تأمين ايدى مز ميدى ؟ تيا ترو قوميا نيارلى ايچون

تیارو بناسی قدر اهمیتلی برشی اولادیغنی بو ایشله مشغول اولانلر پک ایی بیلرلر ... صاغه صوله بوقدر بارا دوکولورکن تیارویهده کوچوک بر حصه آیرلامازمیدی ؟ هم اوقدر چوقده دکل ... برنا تأمین ایدلیدی حالده سنهده یکرمی بیک لیرا ایله مملکتک یوزخی آغارتاجق، صنعت ایچون ایی براسقبال حاضرلایه جق ترمیز برشیر تیاروسی یاییلا بیلیدی. مع مافیہ بزاصل بوپوک معاوتی مرکزی حکومتدن بکلردک. جمهوریت اداره سی مملکتک حریت کتیردی، قادین ارکک بر آراده تیارویه کیده بیلور، تورک قادینی آرتق صحنیه جیقور. ایستر و بکلردک که جمهوریت حکومتی معارفه و کوزل صنعتلره ایتدیکی خدمت وفدا کارلنی تیارودن ده آسیرکه سین. لیرال بر خلق حکومتی ایچون تیارو الکیمتلی بریاردیمجیدر ... خلق اوزرنده کی تلقین قوتی اعتباریه مملکت مزه و اداره مزه الکی بویوک خدمتی ایفا ایده بیلر، کندیبی ایچون اختیار ایدیلن زحمت و مصرفی در حال اوده مکه باشلاردی .

شونی آئی بیلیمک لازمدرکه تیارو، صنعت تیاروسی شخصی تثبث ایله باشاریلاجق بر ایش دکلدر. اوکا یا حکومت یاردم ایدر، یا خود اونک قیمتی تقدیر ایدن جاعتلو ... الکی مترقی آوروپا ملتیرنک رسمی تیارولری حکومتک معاونتیه یاشار. تیارویه جوق اهمیت ویرن ارمیلرک اولیه تیارولری واردرکه جاعتلر طرفندن اداره ایدیلر. بو بحث اوزرنده اوزون اوزون قونوشورز .

#### رئاد نوری



تربیه

ژاپونیا

مقیار تربیه - سربست تربیه - بریعی تربیه

آنجق الکی سنه وارکه ژاپونلر عزلتکاهندن جیقارق غرب مدینتیه تماسه کلیدیلر. عصرلر سورهن اوزون اویقودن اویانان بوملت دول معظمه صیراسنه چارچاقوق یوکسلویه ردی. اوردو و دونانماسنک قدرت وشوکتی آوروپا و آمریقا پک آئی تقدیر ایتکده در. اقتصادیات عالنده ایسه ژاپونلر آمریقایه رقابت ایده جک برسویه به کلشدر. ژاپونیا ده نفوس ده بوپوک بر سرعتله تزايد ایدیور. ۱۹۲۰ ده نشر ایدیلن استاتستیکلره نظرآ ژاپونیا نیک نفوس عمومیسی ۵۵،۹۶۱،۱۴۰ در. بهر کیلومتر مربعه ۱۴۷ کشتی اصابت ایدیور. انکلتزده ۱۴۵، آلمانیا ده ۱۳۶ فرانسه ده ایسه آنجق ۷۶ در. توکیونک نفوسی ۲،۱۷۳،۱۶۲ در. اوزاقانک ۱،۲۵۲،۹۷۲ ژاپونیا نیک ۱۶ شهرنک نفوسی ۱۰۰ بیک ایله ۶۰۰ بیک آراسته در.

صوک سنه لده ژاپون صنایعی ده پک زیاده

انکشاف بولشدر. اپیک، باموق، یوک منسوجات فابریقلری، مصنوعات محلیه سی دنیانک هر طرفنده رغبت بولقده در. بر مثال اولق اوزره موسیو هاتتوری وشرکاسنک توکیوده کی ساعت فابریقه سنی ذکر ایده جکم، بو مؤسسه ده ایکی بیک عمله ایشیلور. ۱۹۲۱ ده چین و هندستانه ۹۸۹،۵۰۹ جیب ساعتی و آصه ساعت اخراج ایشدر.

ژاپونیا ده فیل دیشی، انجی، مرهجان، مینه، حصیر ایشلری، قریستال مصنوعاتی و اویونجاقیلق ده جوق ایلری کیتشدر.

اوروپا دارالفنونلرنده، مکتبلرنده، اوردولرنده یوزلرجه ژاپون کنجی تحصیل و تربیه کورمکده در. بزه جدا اورنک اولسی لازم کلن بو جدی، چالیشقان، متثبت ملتک جهانی حیرتله دوشورن موفقیتلرنک یالکز بعض مناقبی بیلورز. نه یازیق که ایکی اوچ کیشیک برتدقیق هیئت ژاپونیا ده کوندر میورز. بزم ایچون اورادن آله جق نه بوپوک درسار وار.

ژاپونلر حقنیده دیکلر دیکمز حکایه لریک هبسی بزه نهایت بواقصای شرق انسانلرنک جسور وفدا کار اولدقلرنی اوکرتشدر. یالکز اوقدرمی ؟

نفوسی آلمانیا قدر جوق، پاراسی یوکسک، تجارتی، صنایعی، عسکرلکی مکمل اولان شرقک بو بوپوک ملتک بوندن آلی سنه اول نام ونشانندن کیسه خبردار دکلدی. الکی سنه اول جینیلر کی غریب عنعنله باغلی، گوشه مندرلرنده آفیون جکوب اویوقلایان بو ملتک ساحه مدینتیه دیو آدیملریله ایلرولسی آلبتده که تدقیقه شایاندر. دیک بر ملتده انبیا حاصل اولنجه تکامل دوره سنه کیره بیک ایچون ایکی ژه نه راسیون کافی کلورمش. یالکز ایلرولک ایچون تقییب ضروری اولان یوللری بیلیمک و اصول نختنده چالیشق شرطدر.

انکلتزه، فرانسه، آلمانیا، امریقان ژاپونیا ده کیدن تدقیق هیئتلری هبسی ده بر نقطه ده اتفاق ایدیورلر: ژاپون کولتوری جوق یوکسک دارالفنونلری کی ایلک مکتبلری ده مکمل، قیز و ارکک مکتبلرنده قوتلی بر انضباط فکری و اخلاقی حکمران، عرفان مؤسسه لرنده جدی بر تحصیل و یریلور. انتظام اجتماعی اعتباریه ژاپونیا آلمانیا دن هیچ فرقلی دکل، آلمان دیسیپلینی کی بر ژاپون دیسیپلینی وار.

ژاپون تربیه سنک غایه سی دارالفنونلرده منور، متفکر قانون شناس بر زمره ممتازه یتشدر مکدر. ارککلرده مطلوب اولان مزایای اخلاقیه : وطنه محبت، ایمراطوره صداقت، قادیلره یسه : آئی زوجه و فضیلتی والده اولقندن عبارتدر. بولردن باشقا بعض عنعنوی قیدلر واردر که ژاپونیا ده حالا شدله تطبیق ایدیلکده در. مثلاً ارکک و قادیلر یکرمی یاشندن اول نه توتون، نه ایچکی ایچمه بیلرلر. رشید اولمایان جوجوقلرک حتی لیسه طلبه لرنک یالکز باشلرینه لوقانطه لره، قهوه خانه لره، تیارو وسینه مالره کیتسه لری قانون ایله منع ایدیلشدر.

کنجکلرک سنه لردنبری قوتلی بر دیسیپلینه تابع اولمالرنک الک فائده لی نمره سی ۱۹۲۳ ده وقوع بولان

بوپوک زلزله ده کورولشدر. بو مدهش آفتنده یوز بیکلرجه انسانک جان قیدینه دوشدیک بر صیراده کرک توکیو و کرک یوقوهاماده خلق قانونه دیندارانه بر مطاوعت کوسترمش یاغما کرکک و چاپوخلیق کی حادثه لر وقوع بولامشدر.

[ توکیو دارالفنونی سابق زوولوزی مدرسی پروفیسور میتسوقوری ژاپونیا ده حیات اجتماعی نامنده کی اثرنده دیرک :

اوروپا لیر ژاپون انتباهنک نه بوپوک اساسلره استناد ایتدیکندن خبردار اولما دقلرندن کوردکلری اثارتعدنی سطحی طن ایدرلر. « بو بر جلادر، یالیزدر، قالايدر قازیکیز، آلتدن آسیالی بروحشی جیقار. » دیرلر. نه بوپوک غفلت ! بیلمز لره که بزغرب مدینتک ایشمه الورن، مزاجزه، اخلاقزه توافقی ایدن یالکز آئی طرفلرنی آلدق. عنعنله لریمزه اویمایان، بزی بیلکمز دن اوزاقلاشدیران جهتلرینه قطعاً التفات ایتده ک. مثلاً ژاپونیا ده زنکین موقع اجتماعی یوکسک عالمه لر جوجوقلرینه بالخاصه ارکک اولادلرینه الک قابا قوماشلردن البسه یاپارلر. ذاتاً بر آرز شیقغه هوس ایدنلر بوتون مکتب آرقداشلرنک استیزاسنه هدف اولور.

ژاپونیا ده جوجوقلرک شمندوقلرده اوچنجی موقعدن باشقا یرده سیاحتلرینه مساعده ایدیلر. حتی جوق کره موقع و مأموریتلری طولایسیله برنجی موقعده سیاحت ایتکه مجبور اولان پدر و والده لر عینی ترنده جوجوقلرنی اوچنجی موقعه کونده درلر. اوروپا یه تحصیل کوندریلن ژاپون کنجکلرنک اسرافاتده بولندقلرنی، اکلتجه یرلرینه، سقاقت عالملرینه دوام ایتدکلرنی کیسه کورمه مشدر. ده ایلک مکتبلره باشلایان یوفکری و اخلاقی انضباط ژاپونلرک بوتون حیاتی مدخجه دوام ایده ر.

بو سیستماتیک تربیه نیک فنا جهتلری ده یوق دکل. افرادمات آراسنده بوشدتی انضباط دوشونیش کوروش فرقلرنی آزالیلور. بو وحدت، یکنستی دهانک تجلیسنه مانع اولور.

صوک سنه لده بوسیقی تربیه علیهنه بر جریان باش کوسترمشدر. شاعرلر، رساملر، موسیقیشناسلر یعنی صنایع نفیسه آربابی سربست و بدییی تربیه لهنه بر جریان تأسیسنه اوغراشمقده درلر و بومقصدله توکیوده بریکی مکتب ده آچمشدر. بوپوک صنعتکار ایساقو نیشیمورانک وجوده کتیردیک بو مؤسسه یه « کولتوریت مکتبی » اسمی ویرمشدر. بو مکتب جوجوقلره حر بر تربیه و یریسور، اونلری بدییی بر طرزده یتشدر یریسور. اویونله، شرقی ایله ماصالرله، حکایه لرله، تلطیف ایله، جوجوق تیارولرندن آلتان عبرت درسلیله اخلاق و سجه بی یوکسکتمکه چالیشدرلر.

کولتوریت مکتبی ژاپونیا ده خلی رغبت بولش و طرفدارلر قازانمشدر. فقط ژاپونیا یی بو کونکی موقعه جیقاران و سربستی تقیید ایدن مکتبکده پک قدرتی مدافعلری واردر. بولردن بری ژاپون ادباسندن مادام باسوقومیا که در. اونک پک قیستلی فکریلری احتوا ایدن مطالعاتی شودر :